

第三一九冊

明倫彙編

官常典

政事部

七三—七九
(卷)

古今圖書集成

中華書局影印



古今圖書集成

中國書局發行

欽定古今圖書集成明倫彙編官常典

第七百八十三卷目錄
政事部名臣列傳十三

唐二

蕭定

蘇弁

馮仇

韋夏卿 正卿子璵

韋倫

崔漢衡

奚陟

任迪簡

李建 子簡

李巽

閻濟美

韓阜

薛戎

馮宿 子簡

韓約

王彥威

柳仲郢

趙宗儒

韋博

五代

劉審交

遼

柳子華

崔縱

顧少連

盧羣

薛珏 子存慶

蔣沆

崔衍

劉伯芻 子寬夫

李元素

盧坦

呂溫

呂元膺

胡証

盧簡辭 兄簡能 簡能 子知飲 知飲

王璠

羅立言

王龜

楊於陵

崔瑄

薛元賞

耶律韓八

官常典第七百八十三卷

政事部名臣列傳十三

唐二

蕭定

按唐書蕭瑀傳定字梅臣瑀曾孫以蔭起家陝州參軍事金城丞蒞事清挺選補黜陟使裴遵慶表為判官還調萬年主簿歷左右司郎中為元載所惡外還袁潤等六州刺史大曆中有司差天下刺史治最定與常州蕭復豪州張鎰為第一而劾桑稼均賦稅業徠游口在鎰復右遷戶部侍郎太常卿朱泚反詭姓名為張誕匿里中與蔣沆不浼於賊事平擢太子少師卒年七十七贈太子太師

柳子華

按唐書柳公綽傳子華公綽諸父也始辟嚴武劍南府累遷池州刺史代宗將幸華清宮先命完葺欲以子華為京兆少尹尹惡其剛方沮解之遂為昭應令檢校金部郎中修官使設棘園於市徇邑中曰民有得華清宮瓦石材用投園中踰三日不還者死不終

日已山積矣營辦略足宰相元載有別墅以奴主務自稱郎將估勢縱暴祖賦未嘗入官子華因奴入謁收付獄劾發宿罪杖殺之一邑震伏載不敢怨遣吏厚謝預知其終自為墓銘于公器公度

蘇弁

按唐書蘇世長傳世長從孫弁字元容擢進士調奉天主簿德宗出狩而縣令計事在府官屬皆惶恐欲遁走弁曰昔肅宗幸靈武至新平安定二太守坐伏匿斬以徇諸君知之乎衆乃定車駕至儲侍畢給帝嘉之試大理司直朱泚平進監察御史擢累倉部郎中判度支案裴延齡死帝召弁見延英賜紫衣金魚以度支郎中副知度支事位郎中上知度支有副自弁始弁通學術吏事精明承延齡後平賦緩役略煩苛人賴其寬久之遷戶部侍郎判度支改太子詹事舊制詹事位在太常宗正卿下御史中丞實參卑之徙班河南太原尹下弁造朝輒就舊著有司疑詰給曰我已白宰相復舊班殿中侍御史都儒立効奏待罪金吾有詔原罪坐前以廣粟給邊貶汀州司戶參軍是時兄袞為贊善大夫袞京兆士曹參軍以弁故貶袞永州袞信州司戶參軍袞年老眼不能視帝聞之聽還又有稱袞才者帝悔不用而袞以老先還重追冕更開大臣昆弟可任者左右以王紹之兄紆韓阜之兄羣對帝乃擢紆右補闕羣考功員外郎冕遂不復用數年起弁為滁州刺史卒弁聚書至二萬卷手自讎定當時稱與祿府將弁之判度支方大旱州縣有進米斷貞元八年以前凡三百八十萬斛人亡數在弁奏請出以貸貧民至秋而償詔可當時譏其

罔君云

崔縱

按唐書崔元暉傳元暉子璩璩子漢漢子縱縱協律郎三遷監察御史會詔擇令長授藍田令德化大行縣人立碑頌德漢之貶縱棄金部員外郎就養後爲汴西水陸運兩稅鹽鐵等使王師圍田悅之食詔縱餉四節度糧軍無乏德宗出奉天方鎮兵未至縱勸李懷光奔命悉軍財稱所須懷光兵疲久戰次河中遷延不進縱以金帛先渡曰濟者即賜衆趨利爭西遂及奉天還京兆尹上言懷光反覆不情宜備之及帝徙梁州追扈不及左右短縱素善懷光殆不來帝曰知縱者朕也非爾輩所及後數日至授御史大夫處大體不急細事獄訴付成僚屬而已自兵興內外官冗溢時議併省縱奏兵未息仕進者多緒在官則累遷有功而褒賞不可廢也比選集乃據關留人怨望滋結朝廷頻詔錄勞而諸道敎優日廣若停減吏員非但承優者無官可敘亦恐序進者無路勝置矣詔可貞元元年天子郊見爲大禮使歲早用屈縱擇裁文物儉而不陋除吏部侍郎尋爲河南尹時兵雖定民彫耗縱治簡易蜀略細苛先是成邊者道由洛儲儼取於民縱始令官辦使五家相保自占發斂以絕胥吏之私又引伊洛漑高仰通利里閭人甚宜之入爲太常卿封常山縣公卒年六十二贈吏部尚書諡曰忠初漢爲元載所抑縱訖載世不求聞達漢有嬖妾縱以母事之妾剛酷雖縱顯官而數咎詬然率妻子候顏色承養不懈時以爲難孫碣

馮伉

按唐書本傳伉魏州元城人徙貫京兆第五經宏辭調長安尉三遷膳部員外郎爲睦王等侍讀李抱真卒伉持節臨弔歸之帛不受又致京師伉上表固拒於是醴泉令缺宰相高選德宗曰前使澤潞不受幣者其人清可用也遂以授伉縣多鬻猾數犯法伉爲著論蒙書十四篇大抵勸之務農進學而赦以忠孝鄉鄕授之使轉相教督居七年韋渠牟薦爲給事中皇太子諸王侍讀對殿中賜金紫服進兵部侍郎出爲同州刺史以散騎常侍名領國子祭酒者再卒年六十六贈禮部尚書

顧少連

按唐書本傳少連字夷仲蘇州吳人舉進士尤爲禮部侍郎薛邕所器擢上第以拔萃補登封主簿邑有虎孽民患之少連命塞陷穿獨移文獄神虎不爲害御史大夫于頔薦爲監察御史德宗幸奉天從步詣謁授水部員外郎翰林學士再遷中書舍人閱十年以謹密稱嘗請徙先兆於洛帝重遷去詔遣其子往且命中人護歲葬役歷吏部侍郎裴延齡方橫無敢忤者嘗與少連會田鎬第酒酣少連挺笏曰段秀實笏擊賊臣今吾笏將擊姦臣嘗且前元友直在坐勸解之改京兆尹政尚寬簡不爲灼灼名先是京畿租賦薄厚不能一少連以法均之遷吏部尚書封本縣男徙兵部爲東都留守表禁苑及汝閑田募耕以便民閱武力利鍤仗號良吏卒年六十二贈尚書右僕射諡曰敬始少連攜少子師閔奔行在有詔同止翰林院車駕還授同州參軍

韋夏卿

正卿子璿

按唐書本傳夏卿字雲客京兆萬年人少遂於學善文辭大曆中與弟正卿同舉賢良方正皆策高等授高陵主簿累遷刑部員外郎時仍歲旱蝗詔以郎官宰畿甸授奉天令課第一改長安令轉吏部員外郎郎中擢給事中出爲常蘇二州刺史徐州節度使張建封疾甚召夏卿爲徐泗行軍司馬且代之未至而建封卒徐軍立其子愔爲留後召夏卿爲吏部侍郎時從弟執誼在翰林嘗受人金有所干請密以金內夏卿懷中夏卿毀懷不受曰吾與爾賴先人遺德致位及此顧當是哉執誼大慙轉京兆尹太子賓客檢校工部尚書爲東都留守辭疾改太子少保卒年六十四贈尚書左僕射諡曰獻夏卿性通簡好古有遠韻談說多聞晚歲將罷歸署其居曰大隱洞與齊映穆贊贊弟員友善雖同游終年不見其喜慍撫孤姪恩踰己子爲政務通理不甚作條教所辟士如路隋張賈李景儉等至宰相達官故世稱知人正卿子璿字茂弘及進士第仕累中書舍人與李德裕善德裕任宰相罕接士唯璿往請無間也李宗閔惡之德裕罷貶爲明州長史會昌末累遷楚州刺史終桂管觀察使

盧羣

按唐書本傳羣字載初系出范陽少學於垂山淮南陳少游聞其名奏署幕府已而薦諸朝李希烈反以監察御史爲江西行營糧料使嗣曹王臯節度江西奏爲判官臯徙荆襄皆從其府以勳正聞入爲侍御史郭子儀家與嬖人張異弟訟財不平又言嬖人宅匿珍寶德宗促按之羣奏言子儀有大勳德今所訟

皆其家事且嬖人宅子儀昔界之非子弟所宜言請
教勿問從之人謂羣議大體累遷兵部郎中淮西吳
少誠擅決司消水溉田使者止之不奉詔命羣臨詰
少誠曰是於人有利羣曰臣道貴順恭恪所以為順
也專命廢順雖利何有且怠於事上者固不能責其
下矣少誠聽命羣又為陳古今成敗事逆順禍福皆
有效所以感動之少誠悚然既置酒與賦詩又歌以
慰之少誠感悅不敢桀以奉使稱旨還檢校秘書監
鄭滑節度行軍司馬姚南仲入朝即以羣代節度羣
嘗客於鄭質良田以耕至是則出券貸直以田歸其
人卒年五十九贈工部尚書

韋倫

按唐書本傳倫系本京兆父光乘在開元天寶間為
朔方節度使倫以蔭調藍田尉幹力勤濟楊國忠署
為鑄錢內作使判官國忠多發州縣齊人令鼓鑄督
非所習雖鑒扶苛嚴愈無功倫請準直募匠代無聊
之人繇是役用減鼓鑄多矣元宗晚節盛營宮室吏
介以為欺倫閱實工員省費倍從帝入蜀以監察御
史為劍南節度行軍司馬置頓判官時中人衛卒多
侵暴尤難治倫以清儉自將西人賴濟中宦疾之以
譏貶衡州司戶參軍度支使第五琦薦倫才擢商州
刺史荆襄道租庸使襄州裨將康楚元亂自稱東楚
義王刺史王政棄城遁賊南襲江陵絕漢沔餉道倫
調兵屯鄧州厚撫降賊寇益急乃擊禽楚元以獻收
租庸二百萬緡召為衛尉卿俄兼寧龍二州刺史乾
元中襄州亂詔倫為山南東道節度使而李輔國方
恣橫倫不肯謁憾之中罷為秦州刺史吐蕃党項歲

入邊倫兵寡數格虜敗巴州長史徙務川尉代宗
立連拜忠台饒三州刺史宦者呂太一反嶺南詔拜
倫韶州刺史韶連郴都團練使為太一反間貶信州
司馬斥棄十年客豫章德宗嗣位選使絕域者擢倫
太常少卿充和吐蕃使倫至諭天子威德贊普順悅
乃入獻還選太常卿兼御史大夫再使如旨倫處朝
數論政得失宰相盧杞惡之改太子少保從符奉天
及杞敗關播罷為刑部尚書倫在朝堂流涕曰宰相
無狀使天子至此不失為尚書後何勸聞者憚其公
帝後欲復用杞為刺史倫苦諫言懇至到帝納之進
太子少師鄂國公致仕時李楚琳以僕射兼衛尉卿
李忠誠以尚書兼少府監倫言楚琳逆節忠誠戎醜
不當寵以官又請為義倉以捍無年擇賢者任帝左
右謂吐蕃豺虎野心不可事信約宜謹備邊帝善其
言厚禮之居家以孝慈稱卒年八十三贈揚州都督
諡曰肅

薛珏 子存慶

按唐書本傳珏字溫如河中寶鼎人以蔭為懿德太
子廟令累遷乾陵臺令歲中以清白聞課第一改昭
應令人請立石紀德珏固讓遷楚州刺史初州有營
田宰相遙領使而刺史得專遂傳及它給百餘萬田
官數百歲以優得遷別戶三千備刺史斯役珏至悉
條去之租入贏異時觀察使惡其絮誣以罪左授峽
州刺史建中初德宗命使者分諸道察官吏升黜焉
而李承狀珏之簡趙贊言其廉盧翰稱其肅書參聞
於是拜中散大夫賜金紫劉元佐表兼汴宋行軍司
馬李希烈棄汴州走即拜珏刺史遷河南尹入為司

農卿是時詔舉堪刺史縣令者且百人延問人間疾
苦吏得失取尤通達者什二宰相欲校以文詞珏曰
求良吏不可責文學宜以上愛人之本為心也宰相
多其計所用皆稱職為京兆尹司農供三宮畜苑三
十車不足請市京兆是時章彤為萬年令珏使彤禁
鬻賣民苦之德宗怒奪珏形俸帝疑下情不達因詔
延英坐日許百司長官二員言闕失謂之巡對珏剛
嚴曉法律動身以勸下然苛察無經術大體坐善實
參改太子賓客出為嶺南觀察使卒年七十四贈工
部尚書子存慶字嗣德貌偉岸及進士第歷御史尚
書郎五遷給事中與韋弘景封駁詔書時稱其直劉
總以幽州歸穆宗謂宰相曰必用薛存慶可以宣朕
意對延英一刻遣之至鎮州疽發於背卒贈吏部侍
郎

崔漢衡

按唐書本傳漢衡博州博平人沈懿博厚善與人交
始為費令滑州節度使令狐彰表掌書記大曆六年
以檢校禮部員外郎為和蕃副使還遷右司郎中建
中二年吐蕃請盟擢殿中少監為和蕃使與其使區
頰俱來約盟改鴻臚卿持節送區頰頰歸遂定盟
清水德宗幸奉天吐蕃以兵佐渾瑊賊敗武功轉祕
書監俄拜上都留守兵部尚書東都淄青魏博賑給
宣慰使又使幽州還命稱旨貞元三年豫吐蕃盟平
涼被執幽州將殺之因夷言謂之曰我善結贊無殺我
而漢衡誠信素著幽亦尊重故至河州得還明年出
為晉慈隰觀察使卒贈尚書左僕射

蔣沆

按唐書蔣欽緒傳欽緒子沈亦專潔博學少有名以孝廉授洛陽尉遷監察御史與兄演洛弟清俱爲才吏有名天寶間始河南尹韓朝宗裴迴嘗委訊覆檢句而處事平罰斷精允羣僚莫能望也乾元中歷陸渾盤厓咸陽高陵四縣令美政流行長老紀焉郭子儀軍出其縣救麾下曰蔣沈賢令供億富有素得蔬飯足矣毋撓其清也遷長安令以刑部郎中兼侍御史領渭橋運出納使元載持政守道士類不遷沈以故滯郎位不得調常袞代相聞士議恨沈屈故擢御史中丞東都副留守再遷大理卿持法明審號稱職德宗出奉天沈奔行在爲賊所拘欲誘署僞職沈絕食不應命竄伏里中不復見京師平乃出擢右散騎常侍卒年七十四贈工部尚書

奚陟

按唐書本傳陟字殷卿其先自譙毫西徙故爲京兆人少篤志通羣書大曆末擢進士文辭清麗科授弘文館校書郎德宗立諫議大夫崔河圖持節使吐蕃表陟自副以親老辭不拜楊炎輔政召授左拾遺居親喪毀瘠過禮朱泚反走間道及車駕於興元拜起居郎翰林學士不就職賊平改太子司議郎歷金部吏部員外會左右丞缺轉左司郎中貞元八年遷中書舍人於是江南淮西皆大水詔陟勞問循慰所至人人便安中書史倚宰相勢常姑息獨陟遇之無假借先是右省雜給職田稟主事與拾遺等陟以奉稍爲率由是吏官有差中書令李晟有紙筆猥料積於省它日以遺舍人而雜事舍人常私有之陟均舍寮無厚薄雖細務皆身親其勞久益強力人以爲難

遷刑部侍郎京兆尹李充有美政裴延齡惡之誣劾充比陸贄數遺金帛當抵罪又乾沒京兆錢六十八萬緡請赴比部鈎校時郎中崔元翰怨贄揣延齡指逮繫撈掠甚急內以險文陟持平無所上下具獄上且言京兆錢給縣館傳餘以度支符用度略盡充既免元翰不得意以患死陟尋知吏部選事遷侍郎銓綜平允時謂與李朝隱略等不能適發清明如裴行儉盧從愿也十五年病薨帝遣醫療視救曰陟賢臣爲我善治之卒年五十五贈禮部尚書陟少自砥厲著名節常薦權德輿爲起居舍人知制誥楊於陵爲郎中其後皆有名子敬元

崔衍

按唐書本傳衍字著深州安平人父倫字敘居父喪既護柩行千里道路爲流涕廬塚彌年服除及進士第歷吏部員外郎安祿山反陷於賊不汙僞官使子弟問賊事賊平下遷晉州長史李齊物訟其忠授長安令封武邑縣男寶應二年以右庶子使吐蕃南背約畱一歲執倫至涇州逼爲書約城中降倫不從更因邏娑城閱六歲終不屈乃許還代宗見之爲感動鳴咽即具陳國情僞山川險易指畫帝前人服其詳還尚書左丞以疾改太子賓客卒年七十一贈工部尚書諡曰敬衍天寶末擢明經調富平尉繼母李不慈倫自吐蕃歸李散衣以見問故曰衍不吾給倫怒召衍將袒而鞭之衍涕泣無所陳倫弟殷趨白衍所稟舉送夫人所尚何云倫悟繇是詣無入調清源令勸民力田懷附流亡觀察使馬燧表其能徙美原父卒事李益益謹歲爲李子卻償負不勝計故官刺史

妻子僅免饑寒歷蘇號二州號居陝華間而賦數倍入衍白太重裴延齡領度支方聚斂私謂衍前刺史無發明公當止衍不聽復奏州部多嚴田又郵傳劇道屬歲無秋民舉流亡不獨減租額人無生理臣見長吏之患在因循不以聞不思陛下不憂卹也患申請不實不思朝廷不矜貸也陛下拔臣大州寧欲視民困而顧望不言哉德宗公其言爲詔度支減賦還宜歛池觀察使簡靜爲百姓所懷幕府奏聘皆有名士後多顯於時卒年六十九贈工部尚書衍儉約畏法室無妾媵祿稍周所親族葬埋嫁娶倚以濟者數十家及卒不能蔽喪表諸朝賜賜帛三百段米粟稱之先是天下以進奉結主恩州藏耗竭草創劉贊裴肅爲之倡贊死衍代之舊貢金錫凡十八品皆倍直市於州民匱多逃去衍至蠲革之居十年蓄用度府庫充衍及穆贊代州以錢四十萬緡假民賦故雖旱人不流捐由衍蓄積有素也路應爲觀察使以衍有惠在民言狀元和元年詔書褒美賜一子官云諡曰懿

任迪簡

按唐書本傳迪簡京兆萬年人擢進士第天德李景畧表佐其軍嘗宴客而行酒者誤進醢景畧用法嚴迪簡不忍其死飲爲醢徐以它辭請易之歸路血不以聞軍中悅其長者景畧卒舉軍請爲帥監軍使拘迪簡不聽衆大呼破戶出之德宗遣使者察變具得所以然乃授豐州刺史天德軍使由殿中侍御史授兼大夫散騎常侍入爲太常少卿太子左庶子張茂昭以易定歸擢迪簡行軍司馬代之大將楊伯玉據

牙不納衆殺之別將張佐元復叛迪簡斬以徇乃入以檢校工部尚書爲節度使承茂昭着縱後公私屈更欲饗士無所給至與下同糲食身居載戶踰月軍中感其公請安臥內迪簡乃許三年上下完充以疾入除工部侍郎不能朝改太子賓客卒贈刑部尚書諡曰襄

劉伯弼子寬夫

按唐書本傳伯弼字素芝兵部侍郎適之子行脩謹淮南杜佑奏署節度府判官府罷召拜右補闕遷主客員外郎數遇友家飲噉爲章執說陰劾貶虔州參軍久乃除考工員外郎裴伯待之善擢累給事中李吉甫當國而伯卒不加贈伯弼爲申理乃贈太子少傅或言其妻伯從母也吉甫欲按之求補就州刺史稍遷刑部侍郎左散騎常侍卒贈工部尚書伯弼風度高嚴善談議而動輒時適論者少之子寬夫實曆中爲監察御史奏言以王府官攝祠位輕非嚴恭意請以尚書省東官三品若左右丞侍郎通攝俄轉左補闕陳帖注浮屠書因供奉僧以開除濠州刺史寬夫劾狀敬宗怒謂宰相曰帖不繇僧得州諫臣安受此言寬夫曰衆劾帖獨臣草狀應伏誅推言所從恐累國體帝諱其言釋之子允章

李建子誦

按唐書李遜傳遜弟建字杓直與兄俱客荊州鄉人爭鬪不詣府而詣建平決無頗母憐其孝每字之曰俊子勸吾食吾輒飽進藥吾意其妻貞元中補校書郎德宗思得文學者或以建聞帝問左右宰相鄭絪瑜曰臣爲吏部時當補校書者八人亡皆藉貴勢以

請建獨無有帝喜擢左拾遺翰林學士順宗立李師古以兵侵曹州建作詔論還之詞不假借王叔文欲更之建不可左除太子詹事改殿中侍御史以兵部郎中知制誥宰相有寘定稿詔者亟請解職除京兆少尹會選被譏建申治之出爲澧州刺史召拜刑部侍郎卒贈工部尚書初建爲學時家苦貧兄造知其賢爲營丐使成就之故選建皆舉進士後雖通顯未嘗置垣屋以清儉聞建子誦字敦止及進士第遷累中書舍人爲浙東觀察使性疏干遇士不以禮爲下所逐貶朗州刺史召爲河南尹時久雨洛暴漲訥行水魏王堤懼漂泊疾馳去水遂大毀民慮議者薄其材初訥居與宰相楊收接收欲市訥冗舍以廣第訥叱曰先人舊廬爲權貴侵笑地耶凡三爲華州刺史歷兵部尚書以太子太傅卒遺命葬不請卹薄避贈諡詔聽

李元素

按唐書本傳元素字太朴邢國公密裔孫仕爲御史東都留守杜亞惡大將令孤運會盜劫輪絹於洛北運適與其下畋近郊亞疑而訊之幕府穆員張弘靖按拘無狀亞怒更以愛將武金掠服之死者甚衆亞請斥運醜士詔監察御史楊寧覆驗事皆不讎亞怒効寧罔上章抵罪又自以不失盜爲功因必其怒傳致而周內之若不可翻者德宗信不疑宰相難之詔元素典刑部員外郎崔從質大理司直盧士瞻馳按亞迎以獄告元素徐察其冤悉縱所囚以還亞大驚復効元素失有罪比元素還帝已怒奏獄未畢帝曰出元素曰臣言有所未盡帝曰第去元素曰臣以御

史按獄知冤不得盡辭是無容復見陛下帝意解即道運冤狀帝感寤曰非卿孰能辨之然運猶以擅捕人得罪流歸州死於貶武金流建州後歲餘齊抗得真盜繇是天下重之遷給事中後美官闕咸冀元素得其處會鄭滑節度使盧彥昇卒拜元素檢校工部尚書節度其軍治有異續元和初召爲御史大夫夫自貞元後雖其人不補而元素以鳳望召拜中外企聽風采旣而一不建爲容容持祿內望作宰相久之不見用則謝賓客曰無以官散外我見屬吏輒先拜人人失望李錡反拜浙西節度使數月還爲國子祭酒進戶部尚書判度支元素少孤奉長姊謹憐及沒悲哽成疾因辭職屏居其妻石泉公王方慶之孫前妻子皆不肖而元素溺姬侍王不見答元素久疾益昏惑遂出之王訴諸朝詔免元素官且令畀王貲五百萬卒贈陝州大都督

李異

按唐書本傳異字令叔趙州贊皇人以明經補華州參軍事舉拔萃授鄆尉進累左司郎中常州刺史召拜給事中出爲湖南觀察使貞元五年徙江西異銳於爲治持下以法察無遺私吏不敢少給順宗立擢兵部侍郎杜佑表爲鹽鐵轉運副使俄代佑使任自劉晏後職廢不振賦入股耗異蒞職一年較所入如晏最多之年明年過之又明年增百八十萬緒再遷吏部尚書天資長於吏事至治家亦句檢案牘傳書如公府吏有過秋毫無所縱股慄荷息常如與異對程昇坐王叔文廢異特薦引之昇之計較精於異故異能善職蓋有助云元和四年疾卒郎官省侯異言

不及病但與商校程課功利是夕卒年六十三贈尚書右僕射異為人忌刻校怨在江西有所憎恨輒殺之始實參爲相出異常州促其行及參貶郴州異時觀察湖南宣武節度使劉士寧致緝數千匹於參異即劾參交通藩鎮以惡德宗遂殺參云

盧坦 閩濟美

按唐書本傳坦字保衡河南洛陽人仕爲河南尉時杜黃裳爲尹召坦立堂下曰某家子與惡人游破產盡察之坦曰凡居官廉雖大臣無厚畜其能積財者必剝下以致之如子孫善守是天富不道之家不若恣其不道以歸於人黃裳驚其言自是遇加厚李復爲鄭滑節度使表爲判官監軍薛盈珍數干政坦每據理拒之有善笛者大將等悅之詣復請爲重職坦笑曰大將久在軍積勞亟遷乃及右職奈何自薄欲與吹笛少年同列邪諸將慚遂出就坦謝復病甚盈珍以甲士五百內牙中封府庫舉軍大恐坦勸止之軍乃安復卒詔姚南仲代之盈珍以南仲本書生易之曰是將材邪坦私謂人曰姚大夫外柔中剛監軍若侵之必不受我畱恐及禍乃從復喪歸東都爲壽安令盈珍果與南仲不相中幕府多黜死者河南賦限已窮縣人訴機織未就坦詣府請申十日不聽坦諭縣人第輸勿顧限違之不過罰令俸爾由是知名累爲刑部郎中兼侍御史知雜事亦縣尉爲臺所按京兆尹密救之帝遣中人就釋坦白中丞請中覆中人走以聞帝曰吾固宜先命有司遂下詔乃釋數月遷中丞初諸道長吏罷還者取本道錢爲進奉帝因敕令一切禁止而山南節度使柳晟浙西觀察使閻

濟美格詔輸獻坦劾奏晟濟美白衣待罪帝諭坦曰二人所獻皆家財朕已許原不可失信坦曰所以布大信者敕令也今二臣違陛下奈何以小信失大信乎帝曰朕既受之奈何坦曰出歸有司以明陛下之德帝納之李錡誅有司將毀其祖墓坦上疏諫止裴均爲僕射將居諫議常侍上坦引故事及姚仲南舊比均曰仲南何人曰守正而不交權幸者均怒遂罷爲左庶子數月拜宣歙池觀察使初劉闢塔蘇彊坐誅彊兄弘官晉州自免去人莫敢用者坦奏弘有才行其弟從闢時距三千里宜不通謀今坐廢非用人意因請署判官帝曰使彊不誅尚錄其才况彼兄耶時江淮旱穀踊貴或請抑其價坦曰所部地狹穀來他州若直賤穀不至矣不如任之既而商以米至乃多貸兵食出諸市估遂平再遷戶部侍郎判度支或告泗州刺史薛審爲代北水運時畜異馬不以獻事下度支坦遣吏驗未反帝遲之更遣中人劉泰斯往坦曰事付有司而又遣宦官豈有司不足信乎三奏帝乃止表韓重華爲代北水運使開廢田列壁二十益兵三千人歲收粟二十萬石河毀西受降城宰相李吉甫議徙天德坦以爲城當磧口得制北狄之要美水豐草遼東所利若避河流不過退徙數里奈何徇一時費墮萬世策邪天德故城地壤境瘠北倚山去河遠烽埃無所統接幽騎唐突勢不容知是無故而蹙地二百里故曰非便使周懷義亦以爲言吉甫不悅出坦爲東川節度後數月懷義憂死燕重軒代之遂徙天德師人怨殺重軒覆其家初坦與宰相李絳議多協絳藉爲己助及坦出半歲而絳

罷治東川盡蜀山澤鹽井權率之籍吳少誠之誅詔以兵二千屯安州坦每朔望使人問其父母妻子視疾病醫藥故士皆感慰無逃還者惟請收軍吏閏月糧助行營爲人所非元和十二年卒年六十九贈禮部尚書舊制官階勳俱三品始聽立載後雖轉四品官非貶削者敢不奪坦爲戶部侍郎時階朝議大夫勳護軍以嘗任宣州刺史三品請立載許之時鄭餘慶淹練舊章以爲非是爲憲司劾正詔罰一月俸奪載自貞元以來立載十八家不應令並追正之閻濟美者第進士有長者名貞元末繇婺州刺史爲福建觀察使徙浙西爲治簡易居鎮未嘗增常賦罷浙西也方在道見詔而貢獻無所還故帝爲言之尋出華州刺史入爲祕書監以工部尚書致仕卒諡曰溫

呂溫

按唐書呂渭傳渭子溫字和叔一字化光從陸贄治春秋梁肅爲文章貞元末擢進士第與韋執誼厚因善王叔文再遷爲左拾遺以待御史副張廣使吐蕃會順宗立薦卒於南面以中國有喪畱溫不遣時叔文秉權與游者皆貴顯溫在絕域不得還常自悲元和元年乃還而柳宗元等皆坐叔文貶溫獨免進戶部員外郎溫藻翰精富一時流輩推尚性險謫詭而好利與實羣羊士謬相昵羣爲御史中丞薦溫知雜事士謬爲御史宰相李吉甫持之久不報溫等怨時吉甫爲宦侍所抑溫乘其間謀逐之會吉甫病夜召術士宿於第即捕士掠訊且奏吉甫陰事憲宗駭異既詰辨皆妄言將悉誅羣等吉甫苦救乃免於是貶溫均州刺史士謬資州議者不厭再貶爲道州久

之徒衡州治有善狀卒年四十

韓阜

按唐書韓休傳休子混泥子阜字仲開資質厚重有大器由雲陽尉策賢良方正異等拜右拾遺累遷考功員外郎父喪德宗遣使弔問俾論議混行事號泣承命立草數千言以進帝嘉之服除宰相擬考功郎中帝為加知制誥遷中書舍人御史中丞兵部侍郎號稱職俄拜京兆尹奏署鄭絳為倉曹參軍絳苛斂吏乃說阜悉索府中雜錢折羅粟麥三十萬石獻於帝阜悅之奏為興平令貞元十四年大旱民請蠲租賦阜府帑已空內憂恐奏不敢實會中人出入百姓遮道訴之事聞貶撫州員外司馬未幾改杭州刺史入拜尚書右丞王叔文用事阜嫉之謂人曰吾不能事新貴從弟聘以告叔文叔文怒出為鄂岳斷河觀察使叔文敗即拜節度徙鎮海入為戶部尚書歷東都留守忠武軍節度使大抵以簡儉治所至有績召拜吏部尚書兼太子少傅莊憲太后崩充大明宮留守穆宗以舊傳恩加檢校尚書右僕射俄為真又進左僕射長慶四年復為東都留守卒於道年七十九贈太子太保諡曰貞阜貌類父既孤不復視簪生知音律常曰長年後不願聽樂以門內事多逆知之聞鼓琴至止息嘆曰美哉嵇康之為是曲其當晉魏之際乎其音主商商為秋秋者天將搖落肅殺其歲之晏乎晉乘金運商又金聲此所以知魏方季而晉將代也綴其商絃與宮同音臣奪君之義知司馬氏之將篡也王陵母丘儉文欽諸葛誕繼為揚州都督咸有興復之謀皆為司馬懿父子所殺康以揚州故

廣陵地陵等皆魏大臣故名其曲曰廣陵散言魏散亡自廣陵始止息者晉雖暴興終止息於此其哀情踈蹙痛迫脅之音盡於是矣永嘉之亂其兆乎康避晉魏之禍託以鬼神以俟後世知音云

呂元膺

按唐書本傳元膺字景夫鄆州東平人姿儀瓌秀有器識始游京師謁故宰相齊映映嘆曰吾不及識婁郝始斯人類乎策賢良高第調安邑尉辟長春官判官李懷光亂河中輒解去論惟明節度渭北表佐其府惟明卒王栖曜代之德宗敕栖曜留元膺自佐入拜殿中侍御史歷右司員外郎出為鄆州刺史嘗錄囚囚或白父母在明日歲旦不得省為恨因泣元膺惻然悉釋械歸之而戒還期吏白不可答曰吾以信待人豈我違如期而至自是羣盜感愧悉避境去元和中累擢給事中俄為同州刺史既謝帝遣問政事所對詳諳明日謂宰相曰元膺直氣諫言宜留左右奈何出之李藩裴洎謝因言陛下及此乃宗社無疆之休臣等昧死請留元膺給事左右未幾兼皇太子侍讀進御史中丞拜鄂岳觀察使晝夜登城守者不許左右曰中丞也對曰夜不可辨乃還明日擢守者為大將入拜尚書左丞度支使潘孟陽太府卿王遂交相惡乃除孟陽散騎常侍遂鄧州刺史詔辭無所輕重元膺上其詔請明枉直以顯褒懲江西裴堪按虔州刺史李將順受賊不覆訊而貶元膺曰觀察使奏部刺史不加覆雖當誅猶不可為天下法請遣御史按問宰相不能奪遂拜東都留守故事留守賜旗甲至元膺不給或上言用兵討淮西東都近賊損

其儀沮威望請比華汝壽三州帝不聽并三州罷之留守不賜旗甲自此始都有李師道留邸邸兵與山棚謀竊發事覺元膺禽破之始盜發都人震恐守兵弱不足恃元膺坐城門指縱部分意氣閑舒人賴以安東畿西南通鄧就川谷曠深多麋鹿人業射獵而不事農遷徙無常皆趨悍善鬪號曰山棚權德輿居守將羈縻之未克至是元膺募為山河子弟使衛宮城詔可改河中節度使時方鎮多姑息獨元膺秉正自將監軍及中人往來者無不嚴憚入拜吏部侍郎正色立朝有台宰望處事裁宜人服其有體以疾改太子賓客居官始終無嘗缺卒年七十二贈吏部尚書

薛戎

按唐書本傳戎字元夫河中寶鼎人客毗陵陽羨山年四十餘不仕江西觀察使李衡辟署幕府三返乃肯應故宰相齊映代衡奏留之府罷復歸陽羨福建觀察使柳冕辟佐其府先是馬總任鄭滑府監軍宦人誣劾之貶泉州別駕冕欲除總以附倖家即使戎攝刺史按置其罪戎曰以是待我耶我始不願仕正謂此耳不肯從還白其狀冕怒操笏引戎戎叱引者曰見賓客乃爾乎由東廂進冕度未可屈揖而去囚之它館環兵脅辱之累月戎終不為屈淮南節度使杜佑聞之書責冕冕會冕亦病死得解自放江湖間復為藩府交奏稍遷河南令吐突承璀討鎮州所遇吏迎迓異不及治道前驅惟戎境內按故無所治迓雷府卒犯令者縛置獄留守怒遣將略出之不與累遷浙東觀察使所部州觸酒禁者罪當死橋未貢先

醫者死戎弛其禁卒治下年七十五贈左散騎常侍
戎爲吏不尚約束詭名譽其有善歸之所部故居官
時無灼灼可驚者已罷則懷之悉奉果賙濟內外親
無疏遠皆歸之既病以所有分遺之曰吾死矣可持
爲歸資衆皆哭而去

胡証

按唐書本傳証字啓中河東人舉進士第渾瑊
美其才又以鄉府奏寘幕下由殿中侍御史爲韶州
刺史以母老辭爲太子舍人更從襄陽于頔署掌書
記入爲戶部郎中田弘正以魏博內屬請使自副詔
兼御史中丞爲弘正副使入還諫議大夫元和九年
黨項屢擾邊而單于都護府累更武將職事廢証以
儒而勇選擇振武軍節度使道河中時趙宗儒爲帥
以州民入謁里人榮之居四年召任金吾大將軍又
充京西京北巡邊使太和公主降回鶻以檢校工部
尚書爲和親使舊制行人有私覲禮縣官不能具名
富人于納資於使而命之官証請儉受省費以絕濫
官之濫次漠南虜人欲屈脅之且言使者必易胡服
又欲主便道疾驅者証固不從以唐官儀自將訖不
辱命還拜工部侍郎改京兆尹左散騎常侍寶曆初
以戶部尚書判度支固辭拜嶺南節度使卒年七十
一贈尚書右僕射廣有舶貝奇寶証厚殖財自奉養
奴數百人營弟脩行里彌互閭陌車服用珍侈遂
號京師高貴素與賈餗善李訓敗衛軍利其財聲言
餗匿其家爭入剽劫執其子澠內左軍至斬以徇証
脅力絕人晉公裴度未顯時羸服私飲爲武士所窘
証聞突入坐客上引觥三醵客皆失色因取鐵燈檠

摘枝葉揅合其附橫膝上謂客曰我欲爲酒令飲不
酬者以此擊之衆唯唯証一飲輒數升次授客客淋
漓盤杓不能盡証欲擊之諸惡少叩頭請去証悉驅
出故時人稱其俠

馮宿子圖 第寬 定 著 著子範

按唐書本傳宿字拱之蔡州東陽人父子華廬親墓
有靈芝白兔號孝馮家宿貞元中與弟定從弟審寬
並擢進士第徐州張建封表掌書記建封卒子信爲
軍中宿王留事李師古將乘喪復故地信大懼於是
王武俊擁兵觀望宿以書說曰張公與公爲兄弟欲
共力驅兩河歸天子天下莫不知今張公不幸幼兄
爲亂兵所陷內則誠款隔絕外則強寇侵逼公安得
坐視哉誠能奏天子不忘舊勳赦信罪使束身自歸
則公有靖亂之功繼絕之德矣武俊悅即以表聞遂
授信留後宿不樂佐信更從浙東賈全觀察府情憾
其去奏貶泉州司戶參軍召爲太常博士王士真死
子承宗阻命不得諡宿謂世勢不可遺乃上佳諡示
不忘忠再還都官員外郎裴度節度彰義軍表爲判
官淮西平除比部郎中長慶時進知制誥牛元翼徙
節山南東道爲王廷湊所圍以宿總留事還進中書
舍人出華州刺史避諱不拜徙左散騎常侍兼集賢
殿學士拜河南尹洛苑使姚文壽縱部曲奪民田匿
於軍吏不敢捕府大集部曲輒與文壽偕來宿掩取
榜殺之歷工部刑部二侍郎脩格後敕三十篇行於
時累封長樂縣公擢東川節度使完城郭增兵械十
餘萬詔分餘甲賜黔巫道涪水數敗民盧舍宿脩利
防庸一方便賴疾革將斷重刑家人請宥之宿曰命

脩短天也撓法以求祐吾不敢卒年七十贈吏部尚
書諡曰懿治命薄葬悉以平生書納墓中
子圖字昌之連中進士宏辭科大中時終戶部侍郎
判度支

寬爲起居郎

定字介夫偉儀觀與宿齊名人方漢二馮于頔素善
之頔在襄陽定徒步上謁吏不肯白乃亟去頔聞斥
吏歸錢五十萬及諸境定返其遺以書讓迪不下士
頔大慚第進士吳等辟浙西薛平府以郭尉爲集賢
校理始定居喪號毀其故數移疾大學士疑其簡怠
奪職三遷祠部員外郎出爲郢州刺史吏告定略民
妻乾沒庫錢御史鞠治無狀坐游宴不節免官起爲
國子司業再遷太常少卿文宗嘗詔開元寬棠羽衣
舞參以雲韶肄於廷定部諸工立縣間端凝若植帝
異之問學士李珣珣以定對帝喜曰豈非能古章句
者邪親誦定送客西江詩召升殿賜禁中瑞錦詔悉
所著以上還諫議大夫是歲訓注敗多誅公卿中外
危懼及改元天子御前殿仇士良請以神策仗衛殿
門定力爭罷之又請許左右史從宰相至延英記所
言執政不悅故太子詹事鄭覃兼太子太師上日欲
會尚書省定據禮當集詹事府詔可論者多其正換
衛尉卿以左散騎常侍致仕卒贈工部尚書諡曰節
初源叔使新羅其國人傳定黑水碑畫鶴記章休符
使西蕃所館寫定商山記於屏其名播戎夷如此
審字退思開成中爲諫議大夫拜桂管觀察使歷國
子祭酒監有孔子碑武后所立詹事署額審請家周
著唐終祕書監

子絨字宗之乾符初歷京兆河南尹

盧簡辭兄簡能 簡能子知微 知微子文度

按唐書本傳簡辭字子策父綸別傳與兄簡能弟弘止簡求皆有文並第進士歷佐帥府入遷侍御史習知法令及臺閣舊事實曆中黎幹子燭詣臺請復葉縣故田有司莫能知簡辭獨詰曰按幹坐黨魚朝恩誅貴田皆沒大曆後數十年比有赦令無原洗之言燭安得冒論不為治福建鹽鐵院官盧昂坐贓簡辭窮按乃得金牀瑟瑟枕大如斗敬宗曰禁中無此昂為吏可知矣李程鎮太原表為節度判官入授考功員外郎累擢湖南浙西觀察使以檢校工部尚書為忠武節度使徙山南東道坐事貶衢州刺史卒簡能見鄭注傳其子知微字子暮中進士第登宏辭補秘書省正字蕭鄴鎮荆南劍南再辟掌書記入遷右補闕出為饒州刺史以政最聞累進中書舍人朱攷亂避難不出僖宗還京召拜工部侍郎史館修撰歷太常卿戶部尚書至太子太師昭宗為劉季述所幽感憤卒贈太尉知微器量渾厚世推為長者善書有楷法文辭贈麗子文度亦貴顯

王璠

按唐書本傳璠字魯玉元和初舉進士宏辭皆中遷累監察御史儀萬峻整著稱於時以起居舍人副鄭單宣慰鎮州長慶末擢職方郎中知制誥時李逢吉秉政特厚璠驟拜御史中丞璠挾所持頗橫恣道值左僕射李絳交驍不避絳上言左右僕射師長庶官開元時名左右丞相雖去機務然猶總百司署位不著姓上日班見百官而中丞御史在廷元和和中伊慎

為僕射太常博士韋謙以慎位緣恩進削其禮至僕射就臺見中丞或立廷中丞乃至憲度倒置不可為法逢吉憚絳正過其事不奏但罷璠為工部侍郎而絳亦用太子少師分司東都議者不直之初璠按武昭獄意逢吉德己及罷中丞乃失望久之出為河南尹時內廐小兒頗擾民璠殺其尤暴者遠近畏伏入為尚書右丞再遷京兆尹自李諒後政條墮敷姦豪漫不戢璠頗脩舉政有名鄭注姦狀始露宰相未申錫御史中丞宇文鼎密與璠議除之璠反以告王守澄而注由是傾心於璠進左丞判太常卿事出為浙西觀察使李訓得幸璠於逢吉舊故故薦之復召為左丞拜戶部尚書判度支封祁縣男李宗閔得罪璠亦其黨見注求解乃免訓將誅宦人乃授河東節度使已而敗璠子遐休直弘文館所善學士令狐定及劉軻劉軻仲無賴柳喜集其所皆被縛定等自解辯得釋遐休誅璠璠潤州外墮得石刻曰山有石石有玉玉有瑕術家謂璠祖名釜生礎礎生璠盡取休蓋其應云

韓約

按唐書本傳約朗州武陵人本名重華志勇決略涉書有吏幹歷兩池榷鹽使虔州刺史交趾叛領南安都護再遷太府卿太和九年代崔郾為左金吾衛大將軍居四日起事約緝錢穀進更安南富饒地聚貲尤多

羅立言

按唐書本傳立言者宣州人貞元末擢進士魏博田弘正表佐其府改陽武令以治劇遷河陰立言始築

城郭地所當者皆富豪大賈所占下令使自築其處吏籍其閭閻號於衆曰有不如約為我更先民憚其嚴數旬畢民無田者不知有役設鎖絕汴流姦盜屏息河南尹丁公著上狀加朝散大夫然倨下傲上出具弓矢呵道宴賓客列倡優如大府人皆惡之以是稀遷然自放不衰改度支河陰留後坐平糶非實沒萬九千緡鹽鐵使惜其幹止奏創兼侍御史由廬州刺史召為司農少卿以財事鄭注亦與李訓厚善訓以京兆多吏卒擢為少尹知府事以就其謀

王彥威

按唐書本傳彥威其先出太原少孤家無貲自力於學舉明經甲科淹識古今典禮未得調求為太常散吏卿知其經生補檢討官彥威采獲隋以來下訖唐凡禮沿革皆條次彙分號元和新禮上之有詔拜博士憲宗以正月崩有司議葬用十二月下宿彥威建言天子之葬七月春秋之義志崩不忘葬必其時也舉天下葬一人故過期不葬則譏之高祖中宗葬皆六月太宗四月高宗九月肅代二宗皆五月德宗十月順宗七月惟元肅二宗皆十二月有為為之非常典也且葬畢而虞虞而卒哭卒哭而祔皆十日今葬上歲暮則畢祔在明年正月是改元慶賜皆廢矣有詔更用五月淮南李夷簡上言大行皇帝功高宜稱祖穆宗下其議彥威奏古者始封為太祖由太祖而降則又祖有功宗有德故夏人祖顓頊而宗禹商人祖契而宗湯周人祖文王而宗武王魏晉而下務欲推美自始祖外並建列祖之議叔世亂家不可以為訓唐本周禮以景皇帝為太祖祖神堯而宗太宗自

高宗後咸稱宗以爲成法不然太宗致升平元宗清內難肅宗收復兩京皆撥亂反正猶不稱祖今當本三代之制黜魏晉亂法大行廟號宜稱宗制可又舊事附廟必告於太極殿然後奉主入廟既事則已而有司附主畢又還告太極殿彥威以爲不可執政怒坐祝辭誤奪二季俸制一階彥威終不同屈後累擢司封郎中弘文館學士諫議大夫李師道既平其十二州賦法未均詔彥威爲勘定兩稅使差量纖悉人不爲煩還兼史館脩撰與平民上官與殺人亡命吏因其父典開自首請罪京兆尹杜棕御史中丞宇文鼎以自歸死免父之囚可勸風俗議減死彥威上言殺人者死百王共守原而不殺是教殺人有詔貸死彥威詣宰相據法爭論下遷河南少尹俄改司農卿李宗閔執政雅善之進拜平盧節度使開成初召爲戶部侍郎判度支彥威於儒學固該達亦善吏事但經總財用出入米鹽非所長也而性剛訐自恃嘗見文宗顯奏曰百口家知有歲計而軍用一切可不謹邪臣按見財量入以爲出隨色占費終歲用之無毫釐差假令臣一旦迷愚欲自欺沒亦不可得因上占額圖又言至德迄元和天下觀察者十節度使二十有九防禦者四經略者三大都通邑皆有兵最凡八十餘萬長慶籍戶三百五十萬而兵乃九十九萬率三戶養一兵今舉天下之入歲三千五百萬上供者三之一又三之二則衣賜仰給焉自雷州雷使外餘四十萬衆皆仰度支又爲供軍圖土之彥威雖自謂樞機姦冒著定其費於利害無益也始神策軍多以稟練於度支取直吏私增買厚給之經費益耗開成

初有詔禁止時宦者仇士良魚弘志方用事彥威乃奏復與直悅媚士良等又劾王播賈美福以冀速遷會邊兵訴所賜不特緣皆散怒攝更送臺獄而彥威視事自如及詔脩務始惶恐就第貶衛尉卿俄檢校禮部尚書爲忠武節度使毀山房三千餘所盜無所容徙節宣武封北海縣子性強敏善著書頗行於時卒贈尚書右僕射諡曰靖

王龜

按唐書王播傳播弟起起子龜字大年性高簡博知書傳無貴胃氣常以光福第賓客多更住末達里林木窮僻構半隱亭以自適待父至河中盧中條山朔望一歸省州人號郎君谷未始以人事自嬰武宗雅知之以左拾遺召入謝自陳病不任職詔許終父喪召爲右補闕再擢屯田員外郎稱疾去崔瑗觀察宣欽表爲副龜樂宛陵山水故從之入爲祠部郎中史館脩撰咸通中知制誥鑄爲相改太常少卿同州刺史牙將曰約素暴橫嘗譁言月粟薄以動士心爲亂龜捕殺之人皆震慄徙浙東觀察使初武臨州有惠政人聞其至歡迎之卒贈工部子堯力學有文辭以鐸當國不貢進士終右司員外郎

柳仲郢

按唐書柳公綽傳子仲郢字諭蒙母韓即單女也善訓子故仲郢幼嗜學嘗和熊膽丸使夜咀嚙以助勤長工文著尚書二十四司箴爲韓愈咨資元和末及進士第爲校書郎牛僧孺辟武昌幕府有父風短僧孺歎曰非積習名教安及此邪入爲監察御史遷侍御史有禁卒誣里人斫父墓柏射殺之吏以專殺論

而中尉護免其死右補闕蔣係平不省仲郢監罰執曰賊不死是亂典刑有詔御史蕭傑監之傑復爭遂獨詔京兆杖之不監朝廷嘉其守會昌初累轉吏部郎中時詔減官冗長者仲郢條簡汰日損千二百五十員議者厭伏遷左諫議大夫武宗延方士築望仙臺累諫諍切帝遣中人槐論御史崔元藻以覆按吳湘獄得罪仲郢切諫宰相李德裕不爲嫌奏拜京兆尹置權量於東西市使貿易用之禁私製者北司吏入粟違約仲郢殺而尸之自是無人敢犯政號嚴明會廢浮屠法盡壞銅像爲錢仲郢爲鑄錢使更請以字識錢者不答既淮南鑄會昌字久之僧反取爲鐘欽云中書舍人紇於泉訴甥劉詡毆其母詡爲禁軍校仲郢不待奏即捕取之死杖下宦官以爲言改右散騎常侍知吏部銓德裕頗抑進士科仲郢無所拘是時以進士選無受惡官者又當調者持關簿令自閱即擬唱吏無能爲奸宣宗初德裕罷政事坐所厚善出爲鄭州刺史周堽鎮滑而鄭爲屬郡高其績及入相薦授河南尹召拜戶部侍郎堽罷它宰相惡仲郢左遷祕書監數月復出河南尹以寬惠爲政或言不類京兆時答曰輩殺之下失彈壓郡邑之治本惠養烏可類乎擢劍南東川節度使大吏遵章簡挾勢肆貪前帥不能制仲郢因事殺之官下肅然居五年召爲吏部侍郎俄改兵部領鹽鐵轉運使有劉習者以藥術進詔署鹽官仲郢以爲醫有本邑官若委錢數名分不正帝悟乃賜緡遣還大中十二年辭疾以刑部尚書罷使轉戶部封河東縣男爲山南西道節度使南鄭令權奕以罪仲郢杖之六日死貶雷州刺

度使南鄭令權奕以罪仲郢杖之六日死貶雷州刺

史頃之以太子賓客分司東都起爲魏州刺史以檢校尚書左僕射東都留守會盜發父墓棄官歸華原徙華州刺史不拜咸通五年爲天平節度使初仲郢爲諫議大夫後每還必烏集升平第庭樹戟架皆滿五日乃散及是不復集卒於鎮仲郢方嚴尚氣義事親甚謹李德裕貶死家無祿不自振及領鹽鐵遂取其兄子從質爲推官知蘇州院宰相令孤絢持不可乃移書開論絢絢感悟從之每私居內齋束帶正色服用簡素父于更九鎮五爲京兆再爲河南皆不奏瑞不度浮屠急於摘食吏濟單弱每旱潦必貸匱獨貧里無通家衣冠孤女不能自歸者斥粟爲婚嫁在朝非慶弔不至宰相第其述略相同家有書萬卷所藏必三本上者貯庫其副常所閱下者幼學焉仲郢嘗手鈔六經司馬遷班固范曄史皆一鈔魏晉及南北朝史再又類所鈔它書凡三十篇號柳氏自備旁錄仙佛書甚衆皆小精真無行字子瑛珪璧珙

楊於陵

按唐書本傳於陵字達夫本漢太尉震之裔父太清僉宦客河朔死安祿山之亂於陵始六歲聞關至江左逮長有奇志十八擢進士調句容主簿節度使韓泚剛嚴少許可獨奇於陵謂妻柳曰吾求佳婿無如於陵賢因以妻之辟鄂岳江西使府泚居宰相領財賦權震中外於陵隨府罷避親不肯調退廬建昌以文書自娛樂泚卒乃入爲鄴部員外郎以吏部判南曹選者特與宰相親文書不如式於陵駁其違宰相怒以南曹郎出使弔宣武軍未幾遷右司郎中換吏部出爲絳州刺史德宗雅聞其名畱拜中書舍人時

京兆李實恃恩暴橫於陵與所善許孟容不離附爲所譖短徒祕書少監帝崩宣遺詔於太原幽州節府獻遺無所納拜華州刺史遷浙東觀察使越人饑請出米三十萬石折贖貧民政聲流聞入爲京兆尹先是編民多竄北軍籍中倚以橫閭里於陵請限丁制減三丁者不得著籍姦人無所影賴京師豪右大震遷戶部侍郎元和初牛僧孺等以賢良方正對策於陵被詔程其文居第一宰相惡其言出爲嶺南節度使辟章詞李翱等在幕府咨訪得失教民陶瓦易蒲屋以絕火患監軍許遂振者悍戾貪肆憚於陵不敢撓以私則爲飛語聞京師憲宗不能無惑有詔罷歸遂振領留事答更剔抉其賊吏呼曰楊公尚拒他方賂遣肯私官錢耶宰相裴均亦爲帝別白言之乃授吏部侍郎而遂振終得罪初吏部程判別詔官參考齊抗當國罷之至是尚書鄭餘慶移疾乃循舊制於陵建言佗官但第判能否不知限員有司計員爲留遣之格事不相謀莫如勿置於是詔三考官止較科目選至常調悉歸吏部又請修甲曆南曹置別簿

相檢實吏不能爲姦始奏選者納直給符告居四年凡調三千員時謂爲適以兵部兼御史大夫判度支王師討淮西於陵用所親爲供軍使主唐鄧而高霞寓騰牒度支以餉道乏及戰敗詔責之指以爲言帝怒貶於陵郴州刺史徙原王傳復以戶部侍郎知吏部選李師道平詔宣慰潘青朝廷始議分其地而劉悟節度滑州未出鄴於陵趣使上道還奏帝悅其能會浙西觀察使李倫死皇甫鉤素忌於陵薦以代脩帝不之可穆宗立遷戶部尚書爲東都留守數上疏

乞身不許授太子少傅封弘農郡公俄以尚書左僕射致仕詔賜實俸讓不受於陵器量方峻進止有常度節操堅明始終不失其正時人尊仰之太和四年卒年七十八冊贈司空諡曰貞孝四子景復紹復師復嗣復

趙宗儒

按唐書本傳宗儒字秉文鄧州穰人八代祖彤後魏征南將軍父驊字雲卿少嗜學履尚清鯁開元中擢進士第補太子正字調雷澤河東丞採訪使韋陟器之表置其府又爲陳留採訪使郭納支使安祿山陷陳留驊沒於賊時江西觀察使韋僕族妹坐其夫爲畿官不供賊沒爲婢驊哀之以錢贖厚爲資給賊平訪近屬歸之時人高其義驊以嘗陷賊貶晉江尉久之召拜左補闕遷累尚書比部員外郎建中初遷秘書少監敦敦交友行義不以夷險潤燥少與殷寅顏真卿柳芳陸贄蕭頤士李華邵軫善時爲語曰殷顏柳陸李蕭邵趙謂能全其交也驊位省郎太食寒乏俸單寡諸子至徒步入爲吞美涇原兵反驊竄山谷病死贈華州刺史宗儒第進士授校書郎判入等補陸渾主簿數月拜右拾遺翰林學士時父驊遷秘書少監德宗欲崇其門使一日並命再遷司勳員外郎貞元六年領考功事自至德後考績失實內外悉考中上殿最混淆至宗儒黜陟詳當無所回憚右司郎中獨孤良器殿中侍御史杜倫以過黜考左丞裴郁御史中丞盧紹降考中凡入中上者纔五十人帝聞善之進考功郎中累遷給事中十二年以本官同中書門下平章事賜服金紫居二歲罷爲太子右庶

子屏居慎靜奉朝請而已遷吏部侍郎召見勞曰知

卿杜門六年故有此拜曩與先臣並命尚念之邪宗

儒俯伏流涕元和初檢校禮部尚書充東都留守三

遷至檢校吏部判南節度使散元食戍二千人歷山

南西道河中二鎮拜御史大夫改吏部尚書穆宗立

詔先朝所召賢良方正委有司試宗儒建言應制而

來者當天子臨問試有司非國舊典請罷之詔可俄

檢校右僕射守太常卿太常有五方師子樂非大朝

會不作帝嗜聲色宦官領教坊者乃移書取之宗儒

不敢違以訴宰相宰相以事專有司不應關白以儒

不職罷為太子少師太和初進太子太傅文宗召訪

政理對曰堯舜之化慈儉而已願陛下守之帝納其

言六年授司空致仕卒年八十七冊贈司徒諡曰昭

宗儒以文學歷將相位任崇劇然無儀矩以治生瑣

弟瑒與

韋博

按唐書本傳博字大業京兆萬年人祖黃裳浙西節

度觀察使博取進士第遷遷殿中侍御史開成中蕭

本詐窮得罪詔與中人籍其財中人利寶玉欲竊取

去博奪還簿無遺貨回鶻入寇以符徽為河東節度

使拜博為判官久之進主客郎中時詔毀佛祠悉浮

屠隸主客博言令太暴宜近中宰相李德裕惡之會

羌渾叛以何清朝為靈武節度使詔博副之擢右諫

議大夫召對賜金紫因行西北邊商虜強弱還奏有

旨進左大夫為京兆尹與御史中丞鸞競不平皆得

學下除博衛尉卿出為平盧節度使檢校禮部尚書

徙昭義卒年六十二贈兵部尚書

薛元賞

按唐書本傳元賞亡里系所來太和初自司農少卿

貶崖州司戶參軍元賞下除袁王傳久之復拜昭義

節度使卒

五代

劉審交

按五代史本傳審交字求益幽州文安人也少略知

書通於吏事為唐與令補范陽牙校劉守光僭號以

審交為兵部尚書守光敗歸於太原唐莊宗以為從

事其後趙德鈞鎮范陽北面轉運使馬紹宏辟審交

判官王晏球討王都以為轉運使供軍使定州平拜遼

州刺史復為北面轉運使改慈州刺史以母老去官

母喪哀毀過禮不調累年晉高祖即位楊光遠討范

延光於魏州審交復為供軍使是時晉高祖分戶部

度支鹽鐵為三使歲餘三司益煩弊乃復合為一拜

審交三司使議者請檢天下民田宜得益租審交曰

租有定額而天下比年無閑田民之苦樂不可等也

遂止不檢而民賴以不擾遷右衛上將軍陳州防禦

時祠祭詔特贈太尉起祠立碑

遼

耶律韓八

按遼史本傳韓八字喇隱個儻有大志北院詳穩古之五世孫太平中游京師寓行宮側惟囊衣匹馬而已帝微服出獵見而問之曰汝爲何人韓八初不識漫應曰我北院部人韓八來覓官耳帝與語知有長才陰識之會北院奏南京疑獄久不決帝召韓八馳驛審錄舉朝皆驚韓八量情處理人無冤者上嘉之籍羣牧馬闕其二同事者考尋不已韓八略不加詰卽先馳奏帝益信任景福元年爲左夷離畢徙北面林牙眷遇優異重熙六年改北院大王政務寬仁復爲左夷離畢十二年再爲北院大王入朝帝從容謂曰卿守邊任重當實府庫賑貧乏以報朕旣受詔愈竭忠謹知無不言便益爲多卒年五十五上聞悼惜死之日篋無舊蓄輓無新衣遣使弔祭給葬具韓八平居不屑細務喜愠不形嘗失所乘馬家僮以同色者代之數月不覺

欽定古今圖書集成明倫彙編官常典

第七百八十四卷目錄

政事部各臣列傳十四

宋一

趙上交

袁廓

史珪

李濟

劉熙古

王琪

王明子

段思恭

許仲宣

孔承恭

臧丙

邊翊

劉式

楊覃

劉煜

劉綜

張鐸

董樞

王易簡

邊光範

宋太初

宋璠

楊克讓

張遜

滕中正

劉保勳

張適

魏羽

王子與

王陟

喬維岳

楊澈

官常典第七百八十四卷

政事部各臣列傳十四

宋一

趙上交

按宋史本傳上交涿州范陽人本名遠字上交避漢祖諱遂以字稱祖光鄴鄆州錄事參軍父簡章涿州司馬上交身長七尺黑色美風儀善談論負才任氣爲鄉里所推後唐同光中嘗詣中山于王都有和少微者亦在都門下忌之頗毀譽上交都遂不爲禮上交不得志因南游洛陽與中官驃騎大將軍馬紹宏善紹宏領北面轉運制置大使表爲判官遷殿中丞秦王從榮開府兼判軍衛以上交爲虞部員外郎充六軍諸衛推官李幹張沆魚崇遠皆曰字開二秦府悉與上交友善累遷司封郎中充判官從榮素豪邁不遵禮法好昵羣小上交從容言曰王位尊嚴當修令德以慰民望王忍爲此獨不見恭世子戾太子之事乎從榮怒出之歷涇秦二鎮州節度判官從榮及禍僚屬皆坐斥上交由是知名晉初召爲左司郎中度支判官歷右諫議大夫會廢翰林學士以上交爲中書舍人知內外制遷刑部侍郎嘗上言伏觀長興中詔書州縣官在任詳識刑獄昭雪人命者不限歲月赴選許令趙資注官仍賜章服諸道州府給付公驗躬赴行部投狀隨給優牒庶絕欺罔以存激勸載詳元詔止言州縣未該內外職司乞自今但能雪活冤獄不限中外官並加旌賞諸道州縣長吏抄案以聞俟本人考滿即詣刑部投狀毋得隔越年歲庶使內外同律詔從之俄遷戶部侍郎拜御史中丞彈舉

無所阿避契丹入汴立明宗幼子許王從益爲帝以禮部尚書王崧爲左丞相上交爲右丞相契丹去上交請去僞號稱梁王漢祖將至從益遣上交馳表獻款授檢校禮部尚書太僕卿遷秘書監周祖監國命太師馮道迎湘陰公於徐州以上交副之廣順初拜禮部侍郎會將試貢士上交申明條例頗爲精密始復糊名考校擢扈載甲科及取梁周翰董淳之流時稱得士轉戶部侍郎明年再知舉謗議紛然時樞密使王峻用事常薦童子上交拒之峻怒奏上交選士失實貶商州司馬朝議以爲太重會峻貶乃止但坐所取士李觀侯瑒賦落韻改太子詹事顯德初遷資客二年拜吏部侍郎多請告不朝時出游別墅世宗因問陶穀曰上交豈衰老乎穀對曰上交昔掌貢舉放轡市家子李觀及第受所獻名園多植花卉優游自適世宗怒免其官宋初起爲尚書右丞建隆二年正月卒年六十七上交所蒞官以幹聞當時稱有公輔器尤好吟詠有集二十卷張昭爲序子職字可畏七歲喪母過哀十二能屬文與兄履同舉進士未成名而兄夭遂以陰補千牛備身歷祕書郎殿中丞著作郎卒年二十六有集十卷太宗嘗取以入內

張鐸

按宋史本傳鐸字司化河南洛陽人性清介不事生產會祖居卿祖楊父文蔚在唐俱舉進士楊至翰林學士承旨天平軍節度檢校吏部尚書文蔚中書侍郎平章事五代史有傳鐸梁貞明三年舉進士補福昌衛集賢校理拜監察御史遷殿侍御史仕後唐歷起居郎金部員外郎賜緋改右司員外郎明宗初轉

金部郎中賜金紫嘗上言曰國家以務農爲本守令以勸課爲先廣闢田疇用實倉廩竊見所在鄉村浮戶方事墾闢甫成生計種田未至二頃植木未及十年縣司以定色役民畏責斂捨之而去殊乖撫恤之方徒設招撫之令望令諸州應有荒田縱民墾特俟及五項已上三年外始聽差科從之使兩浙還遷考功郎中晉天福初福州王延義奉義稱藩遣備持節開爲閩國王少帝即位改河南令開運二年召爲太常少卿避會祖諱不拜改祕書少監判太常寺事踰年轉右庶子分司西京周廣順初入爲左諫議大夫給事中使朗州顯德三年授檢校禮部尚書光祿卿又以祖名請避改祕書監判光祿寺宋初加檢校刑部尚書建隆四年卒年七十二鑄美姿儀善筆札老能燈下細書如蠅頭由晉以來天地宗廟及上徽號封拜王公開文皆詔鑄書之及卒身無兼衣家人露其服馬園圖得錢十萬以葬

袁廓

按宋史本傳廓劬州梓潼人在蜀舉進士及第入宋補雙流縣主簿又爲西平縣主簿勾稽漏籍得民丁萬餘州將薦其勤職就遷上蔡令又以課最擢太子右贊善大夫令於御史府分領推事掌榷貨務廓性夸誕敢大言好詆訐太祖以奇士待之太宗即位遷殿中丞出知楚州歸掌京師市征歲中增課數萬緡上嘉之賜緡魚資錢百萬會錢假盡緡士宇以獻命廓按籍浙中諸州軍倉庫之物悉輸京師得以便宜從事仍詔每公宴別席而坐以寵異之復命知鄆州會河決溢入城浸居人廬舍至冬月結爲冰廓大發

民鑿取以竹輿舁出城散積之使者至謂其有略致水不入城乃以狀聞拜監察御史至春東解州地下流浙溢入爲民患會秦王廷美遷置房州以崇儀副使閻彥進知州事廓通判州事並賜白金三百兩廓俄轉殿中侍御史召爲戶部判官命與陳恕李惟清專計度芻糧事改戶部員外郎又爲度支判官籍田轉本曹郎中判戶部勾院廓強項好事數與判使等較曲直於上前聲氣俱厲上每優容之然勾稽精密由是部領擁積爲郡吏所詬詔御史辨問廓謁見宰相趙普自理屬鄭州團練使侯莫陳利用得罪廓嘗與利用書札往還徐琨普謂之曰職司常事此不足云與利用交結款密於理可乎廓驚慙泣下不能對數日出知溫州就遷鴻臚少卿同郡袁仁甫掌州之關征素以宗盟之分頗相親善一旦不協互有論奏上遣光祿寺丞牛韶往按驗韶至並攝繫杖置對上疑廓被誣驛召赴闕廓性剛褊被詰治峻急詔書未至以憤死上聞甚追悼之復驗仁甫所訴多無實狀免韶官貶仁甫商州長史贈廓右諫議大夫錄其干丘賀爲奉禮郎始十歲上猶念廓不已又詔削仁甫名籍配隸商州

董樞

按宋史本傳樞真定元氏人後唐太清中以獻書授校書郎累歷賓佐晉天福中爲左拾遺知樞密院表奏周廣順初爲左補闕世宗即位詔常參官各奏封事樞上平吳策淮南平遷浚儀令恭帝即位遷殿中侍御史太祖乾德初遷主客員外郎上書請伐蜀蜀平通判劾州會全師雄叛攻劒刺史張仁謙足疾不

能戰欲棄城走樞固爭戰賊敗之因招餘衆降仁謙飲樞令醉密殺降數百誣奏樞與賊通會中使自成都還備言其事太祖並召之庭辯曲直仁謙遂屈下御史臺鞠之黜宋州教練使以樞賞實西伐計還比部郎中三年出兼桂陽監使上書請伐廣南詔益桂陽成卒三千令樞統之開寶二年又上方略會劉鋹命內侍會居實侵桂陽樞舉退之三年大舉伐鋹令樞率兵趨連口克之改兵部郎中權知連州兼行營招撫使嶺南平賜錢三百萬四年移知襄州又爲河北轉運使改判西京留司御史臺初樞罷桂陽監以左贊善大夫孔燾代之燾通三禮嘗講學於河朔擢第歷州縣及升朝蒞桂陽歲滿以太子洗馬趙瑜代之瑜趙州人家世豪右自言練達邊事開寶中命爲易州通判歲滿移桂陽瑜至即稱疾遂以著作郎張侃代之侃至月餘奏瑜在任累月得羨銀數十斤雖送官而不具數聞計樞與燾隱沒可知矣詔下御史案之獄具有司計盜賊法俱當死太祖曰趙瑜非自盜但不能發獲耳樞燾並坐死瑜決杖流海島擢侃爲屯田員外郎

史珪

按宋史本傳珪河南洛陽人父珪晉嚴衛指揮使珪少以武勇隸軍籍周顯德中遷小校太祖領禁衛以珪給事左右及受禪用爲御馬直隊長四遷爲步軍副都軍頭兼控鶴弓弩大劍都指揮使開寶六年加都軍頭領毅州刺史太祖初臨御欲周知外事令珪博訪珪廉得數事白於上驗之皆實由是信之後乃漸肆威福民有市官物不當償者珪告其欺因當真